

ALL NATIONS GOSPEL PUBLISHERS



www.angp-hb.co.za



info@angp.co.za

MUGULELDAB CHI.

Hekalutab Jehovah anan Ole Boisien Setaniat.
I Johana 3:4-10.

Ma kitabut ne lel kitabuni. Kitok kitabuniton en tai en emetab France ko kagosiirto kenysisiek bogol oeng'u. Kigoipchi bik elfusiek loboiyet ak kaberuret ne wo. Kibois kitabuni kou kioitab muguleldo, en murenik ak en kwonyik, kiimuche ichek kogeerjige kyeu mugulelwekyuak kou yon keere Jehovah. Kigogeer che chang' mugulelwekyuak kole miten chalwokto, en noton anyun kosigu ak kotaache mugulelwek che lelachen ak tomirmiriet ne lel.

Ogas okwek tugul che osomani kitabuni, kaigai obwat ole kitabuni ko kioitab muguleldo ne imuche isoman ak iginege kiy nee ne mi muguleldang'ung'. Ngot ko i chito ne tom kaigas ng'alekab Jehovah, anan ko i Kristoindet, anan ne kenaam ichuchuige, inyoru pichaing'ung' ne bo atebetab muguleldang'ung' ak igeere kou yon keere Jehovah. Matinye Jehovah chaman anan kotiiti bik. Keere mugulelwekab bik; mageere itonwek.

Masambwanindet ko kwandab kiplembechonik tugul, inendet ko laitoriatat mesundeito; kogeny inendet ko ne wo ne bo ng'wonduni. Imuche koweelge koik malaikaiyatab loboiyet. Ngunon anyun koma malaikaiyatab loboiyet kou yon chame bik che chang' korogege, amachame kogeer en iman kyeu itondanyin. Kou kye kiu en betusiekab kenye, kou non anyun miten maotik che chang' che bo lembeita, che boisie en kaberberisiet, che weelige koik kou kiyogikab Kristo. En chon koma kikwong'en, amun agot Setaniat komuche koweelge koik malaikaiyatab loboiyet. II Kor. 11:13-14.

Igorse Setaniat konyek ak kabwatutikab bik che chang' si komanai chamyetab Jehovah, anan lilindanyin, anan echainatetab Jehovah kot komamuch kogeer Yetindenyan Jesu Kristo. II Kor. 4:4. Mamuche kogeer bik che kigogorsi laitoriatat ng'wonduni kole ruae kotokyinge koretat mat ne bo koigeny, ne lale en kibiritit. Kigoik che begunotin en taitab Jehovah; bau ichek tomirmirietab laitoriatat ng'wonduni.

“Amun niton kiging’any Weritab Jehovah si kobiit kong’em boisionikab oindet.” 1 Johana 3:8. “Noton anyun, ogasiit Jehovah. Ogirinden oindet si komweenok. Orikyin Jehovah si korikyok.” •Jemis 4:7-8.

Yon isomani kitabuni ak igere pichaisiekyik, imuche igeer muguleldang’ung’. Igojin loboiyetab Jehovah kasarta asi koborun atebetab muguleldang’ung’. Ngot ko kai-geer anyun ile ya muguleldang’ung’ ak komiten chalwokto, komat iyese anan iuny. Kaigai ing’any chalwoktang’ung’. “Ngot kemwa kele magitinye chalwok, koga kiberberge, amami iman en ehek. Ngot keng’anye chalwogikyok, konyoiwech kat inendet amun chalwogikyok amun iman inendet ak ko bo imanda, ak kotililech en tugul tugul che mabo iman. Ngot kemwa kele makiyai chalwok, ko kagiyai inendet koik kiplembechwa ama mitech Ng’olyondenyn. 1 Johana 1:8-10. Oming’inityinge eut ne kim ne bo Jehovah si konyoiwok kat chalwogikwok ak kotililok en korotikab kamonut, che bo Jesu Kristo.

Baun Jehovah anan ko Setaniat? I otwagindetab chalwokto anan i kiboityotab Jehovah? Ngot kobau chalwokto sobondang’ung’, komat ituuch. Rirjin Jehovah ne tyachin en Jesu Kristo ne kinyo ng’wonduni kosor kiptengginik, koyat konyekab che koriotin, komong’wech en mesundeito ak koisto mesundeito ne mi orinyon. Kinyo komutwech kondeech loboienyn ne bo kwong’et. Kinyo Jesu kotyachech en kimnatosiekab chalwok ak Setaniat. En inendet kitinye Katyaget en chalwogikyok.

Itonone en taitab Jehovah ne tilil ne keere konyekyik ui tugul ak kongen ung’utik tugul ak yautikguk agot kbwatutikguk che iyome ituch. Memuche iunyege togetab Jehovah anan iung’e boisionikguk kot komanai. “Inendet ne kimine itik, komagase? Inendet ne kiyai konyek, komageere?” Saburi 94:9. “Amun keere inendet ortinwekab chi, keere atebosiekyik tugul. Mami mesundeito, anan uruetab meet, ole ung’ege che yae tengekto.” Job 34:21-22. “Amun isyache konyekab Jehovah komoswek tugul en ng’wony, si kobiit kobarta kimnatenyn en komostab icheget che igesunotinge mugulelwekyuak kotokyinge inendet.” II Atebetab Betusiek 16:9; Johana 2:24.

“Igasatge ne kigenyoji kat bistoenyin, ne kigetuch chalwoktanyin. Igasege chi ne magoityin Jehovah tengekto, amagomi ng’olset muguleldanyin.” Saburi 32:1-2. (Soman kogeny Saburi 51) Kuurse Jesu raini kolenen: “Obwanjan okwek tugul che oimige ak che olae tuguk che nyigisen, si amung’wok.” Matayo 11:28.

PICHAIT NE TAI

Pichaini kɔ kaborunetab muguleldab chito ne tom kogas ak ne mayani, muguleldo ne nyitat chalwokto ne bo muren anan kɔ ne bo kobogoryon, ne kigimwa kele kipchalwokyoɔt, ne bau tomirmirietab ng’wonduni ak kaitainanet ak magutikab borto. Pichaini ko kioit ne bo iman ne boru kyeu muguleldo kou yon keere Jehovah. Iboru konyekyik che biriren ak che masoito komie bogitenyin. Soman Kalewenaik 23:29-33: “Ng’o ne orogeni? Ng’o ne biriren konyek? Che yeise agoi; che bendi kojeng’e maiywek che burugotin. Ameiit maiywek ye kabiriritu, ye togu itondanyin en mwendwet, ye luguakse komie: Yeityo kosus kou erenet, suse kou ndaret ne ng’wan. Keere konyekguk karusiek, ak ng’alale muguleldang’ung’gelelnatet.”

Ng’wony en metitab chichi imuche igeer muguleldab chito olɛ menye tyong’ik alak tugul; iboru choton chalwogik che ter che mi muguleldab chi. Muguleldo ko meng’etab chalwogikyok. Mwae Jehovah kole, “Kaberberindet muguleldo kosiir tuguk tugul; ng’o ne imuche konai?” Jeremia 17:9. Kimwa Jesu kole, “Amun mong’unen orit, en muguleldab chi, kererwekab - met che yach, kesesnatosiek, soksosiek, rumisiosiek, chorsosiek, kasetab miat, yaityo, kenisiet, maget ne ya, kong’ ne ya, chubisiet, menotet, ak berberindo: mong’unen orit chuton tugul yachen, ak komuruonite chito.” Mariko 7:21-23.

TAUSI:

Kit ne tai ne mi pichait ko tausi. Taritiani ko kipleleyan kot. Tinye kororik che tinye sambulisiekab kwong’et. Noton ko karogutietab chalwoktab losetab ge. Kiibut amun losenyin bo ge Lusifer, malaikaiyat ne kigiil en mwaita, ne ki ibindetab loboiyetab Jehovah, ago ki malaikaiyatab Jehovah, ak kiik bunyotab Jehovah - masa-



MUGULELDAB KIPTENGEKYOT.

mbwanindet. Isaia 14:9-17. Kima ko malaikaiyatab mesundeito masambwanindet.

Iboruge losetab ge en ortinwek che chang'. Losenge bik alak magornatet, tuguk che tinye - tuga, kejirek, korik, mbarenik, kalaagutik che bo kamonutiet, ak kororonindab borwekyuak che iborto en kendernatet. Menen bik alak bororienyuan ak torornatetab kanetenyuan bo ge, ak kimnatetab borwekyuak ak utotietab yaietab tuguk; ak alak ko indenyuan ole kisalu ak tuguk alak che chang'

che matile kiy. Yome alak ko kororonitge en bangilisiej ak kipseseinik; watege alak kole si ko kororonitu ago kiyai Jehovah borto tugul kotwaisi. "Kirindoi Jehovah menotik, ak igojin che iming'inege mieindo." 1 Petero 5:5. "Weche Jehovah menotetab katororetab ge." Kalewenaik 8:13. "Indoe menotet ng'emisiet, indoe kachaunetab ge kabutet." Kalewenaik 16:18.

NG'OKTO:

Iboru ng'okto magutikab borto: kesesnatet, ibetab ge ak sokset. Olda tugul ole wendi komuruonite ge. U noton bik che chang'. Olda tugul ole bendoten konaame kong'alaljinotege kwonyik ak murenik komuritotege. Kagotesak inne en betusiechu yachen bo let sokset ak ibetab ge. Mamuche koribge barnotik; agot murenik che kesotin ak kwonyik che tunotin kome koribege; kou noton mosogosiek che chang' kosoben kityo ibetab ge. Kagonam agine chalwoktab Sodom sobonwekab bik elfusiek agot kegeere kele isuldaatin ng'alekab Jesu che kimwa kole kergeitu betusiekab let che bo Sodom ak Gomorrah. Kuuren bikab Zulu ak bikab Basuto ak bororiosiek alak chito ne chame ibetab ge ak kesesnatet "NG'OKTO". Maimdie bororietab Jehovah chito ne u noton amun, "Mi bii NG'OGIK ak bonik, ak che ibege ak rumik ak che soe kanomonik ak age tugul ne chame ak koyae lembech." Ng'ang'utiet 22:15. OISTOENGE kesesnatet. Mi bii en borto chalwokto age tugul ne yae chi; ago ng'eme bortanyin ne keseseni.

"Mongen ole hekalutab Jehovah borwekwok? Ak ngong'em chi hekalut ne bo Jehovah, ko tun ng'eme Jehovah inendet; amun tilil hekalut ne bo Jehovah, okwek noton." 1 Kor. 3:16-18; 6:15-20.

TORAET:

Iboru toraet chalwoktab bogitet ak keta. Ame toraet alak tugul che kanyor. Maleweni che miach anan che yach. Miten bik che u choton che ame panyek che begu, amun miondo anan che kigete. Mi bik alage che ame korotik, murek, bung'ung'onik ak tuguk alak che kimwa Jehovah kole, Matoam. Isaia 66:3-7; Bois. 15:20. Kogeny, weche borwekyuak, che "Gotab Jehovah", en ametab tumotoisiek, anan kajutetab naisugit ak kuuletat sigarok ak

“bangik”: chon tugul komuruonite ak kondo ng’wonet korotikyuaak ak kondojinoti en ortinwek tugul che yachen, che keigeijin chalwogik. Rate Setaniat bik che chang’ en magetab tumotet, ago en kimnatetab Jehovah inegen komuche mureno anan kwony konyor katyagnatet komong’-une magutioni muruon bo borto. Ibuate bik che chang’, che yeechen ak che mengechen, kolenen ma ya bogitetab maiywek, che u “beer”, wirigik ak alak. Ago maindie kibogitinik bororietab Jehovah. Ma amitwagik maiywek, koik bogitet kityo ne ibu kaimutik ak meet, ak kowale kundit si kobiit koyae kibogitinik tuguk che yae abusanik. Yae kesesnatosiek ak ne matian koik baretab ge. Abere nda kama ye maiywek ko to kama koyai kou noton. Amun, “kochotindet maiywek; bolindet bogitet; ama ng’om ne ibeti maiywek.” Kalewenaik 20:1. En ng’atutietab Musa, ngot ko kitindo chi werit ne ngelelyon, ne kibogityon, ki bo ng’atut kelach en koik kome. Ne Kibwate Ng’atutik 21:19-21. Kerge yaitietab che rieche maiywek ak che aldo ak che yee amun mwae Ng’olyotab Jehovah kole, “Aiya, en ichek che buruji bogitet.” Isaia 5:22. “Aiya, inendet ne gojin chitab kokwenyin maiywek, ne testejin ng’wone-nyin si kobogit agine.” Abakuk 2:15. “Amoberberge, amun manyoru magornatetab bororietab Jehovah bik che yae kesesnattet, anan ichek che soe kanomonik anan ichegget che ibege, anan chepkwonyinik, anan che mogorgoinik, anan chorik, anan kimng’etkong’inik, anan KIBOGITINIK, anan che chubisie, anan rebik.” 1 Kor. 6:9-10.

“Togunotin boisiosiekab borto, choton ko chu: saetab kanomonik, bonisiet, bunyondit, tiiyet, kong ne ya, TYEN-WAGIK CHE YACH, ak tuguk che u chon. Bik che yae tuguchon ko maindie bororietab Jehovah.” Gal. 5:19-21. “Amat obogitye en maiywek (beer), che ibu maget ne ya, ago ngonyiak Tomirmiriet.” Epes. 5:18. Igojin Jesu, ne konda metutab sobondo, age tugul ne ame melelda konunotyondoni: “Chi age tugul ne ame melelda, ngonyonjan koye beekab sobon buch.” Johana 7:37-38. “Ngonyonji beek, age tugul ne ame melal, koboto inendet ne matinye che alisien; ngonyo, koal, koam; ee, obwan, oal divai ak chego, ma en fedha anan kit age tugul. Amun nee si ogoite che oale che ma amitwagik ak boisieng’wong’ en che mobiiyondosi?” Isaia 55:1-2.

CHEPKOIGOCHET:

Bandab tyonyi kowendi mutyo. Niton ko karogutiet-ab chalwoktab chorirnatet ak bonisiet ak kagaetab ge ne mwae kole ta ayae. Bistoet ko chalwokto ne u bonisiet. Ibutyin chorirenet yomsosiek che chang'. Chame chorirenet kochorso kosiir koyai boisiet. Imuche kondoji bois-ioniton agoi rumisiet. Imuche chorirnatetab muguleldo koyetenech agot saet, somanetab Bible, bandab kaniset. Yetenech agot koma kisyach komie Ng'olyotab Jehovah, ne kinyorune sobondab koigeny. Kagaetab ge ko chorindet-ab betusiek ne m w a e kole aganye tun, koyai kou non agoi lusetab koigeny. Ye mwaun Jehovah kole, Sigun rani; konyo anyun masambwanindet ak kogerege kabwatutikguk, kolenjin isigu tun, anan betut age ne mie. Bwa! Abere mahyone betunoton. Imuche iyai kou non betut age tugul ak kenyyt age tugul agot koit betut ne nyasin meeng'ung' ak imee ametinye Jehovah, anan yetunet, anan Kristo. Mwae Jehovah kole, "Ye ogas kutinyin rani, komat ouiit mugulelwekwok." Ebranik 3:7-8.

Boisien abogora orgoik ak bonik rokyetab chepkoi-gochet. En noton anyun, iboru chepkoi-gochet chalwoktab bik che yani orgoik ak bonik ne kata nyolu koyan Jehovah ne sobe. Ne kata nyolu koguur Jehovah ne sobe en betusiekab nyalilwagik ak mionwek; koguure orgoik anan bonik ak kosoi saetab kanomonik che u tigitik, koin, siok; chepkogosinik, ak tuguk alak che ma soptos; ye kata iyani Yaiindenyuan ak Yetindenyuan. King'at Jehovah Israelik kolenji, Mat obagach bonindet kosop. Komong'u 22:18. "Amat kobiit en okwek ne boisien ng'orset, anan kipsogei-yot, anan ne isogisie, anan ne boisie seretab barbarek, anan ne ijuti bik, anan ne ng'alale ak oik, anan boni-ndet, anan ne ng'alale ak che kigobek. AMUN WECHÉ JEHOVAH CHI AGE TUGUL NE YAE TUGUCHU." Ne Kibwate Ng'atutik 18:10-12. "Amobe oldab che tinye oik; anan bonik; mojeng'ate, si kong'wanitak: A Jehovah Kiptaiyandeng'wong'." Atebetab Lawik 19:31. "Ak aweche chito ne isibi che tinye oik, ak bonik, koname ak ichek ak aistoe bikiyik. Otabange anyun oigu che tililen; amun a Jehovah Kiptaiyandeng'wong'." Atebetab Lawik 20:6-7. Jèsu Kristo inegen ne kasobindetab tomirmiriet ak muguleldo ak borto; ne nyoiwech kat chalwogikyok tugul ak

kosobech en mionwekyok tugul." Saburi 103:1-3. "Tos mioni chi en okwek? ngoguur boisiekab kaniset; kobwa kosoji, ak kosop saet ne bo kayanet ne mioni, ak kong'et Kiptaiyat inendet; ak ngo kigayai chalwogik, kenyoji kat. Ong'ong'jinge chalwogikwok okwege, ak osojini okwege, si kobiit kisobok." Jemis 5:14-16.

Ng'alalun Jehovah yon isomani kitabuni kitigin, kuurin isigu en chalwogikguk ak igoji Inendet sobondang'ung' tugul. Ago chomun tomirmirietab chepkoigochet ne meng'isie en muguleldang'ung' kolenjin, "Kany, matigoitege raini, imuche tun anan wigatab tun, anan agot kenyitab tun; ong'alaljinen ak manong'otyondeng'ung'; teebeen korok kwondang'ung' anan kwanda nee ne mwaun; tunisien korok ak iyatite lagok korok." Ne kata igase kutitab Jehovah, igase cheetab ng'olset ne bo masambwanindet. Inye ne iyae kou non, iuiite muguleldang'ung' kot kouit kou rokyetab chepkoigochet.

CHEBLANGET:

Ongen ole cheblanget ko tyondo ne korom ne chame korotik. Noton ko karogutietab neregnetat ne tesakse ko mutyo ak ne riogu ak suriet. Choton tugul komi muguleldab chito. Yae tuguk che koromen chi age tugul ne ndojin neregnetat ne riogu; agot chubisiet, witisiet, ak abogora rumisiet. Yon yeise kibogitinik en maiywek, kocham konyonjin tomirmirietab masambwanindet kot kome komuche chito koboige. Chame koye maiywek bik che nyogoren kot kobogityo kolong'une nyiganatenyuan si koyaktoe mugetet ne kotinye en mugulelwekyuak. "Ng'wonetab ndarok maiywekyuak, ng'wonet ne korom ne bo erenok." Ne Kibwate Ng'atutik 32:33. Anyiny yaktaetab mugetet en muguleldo ne ya, ago Jehovah ko yaktaindetab mugetenyon. Kimwa Jesu kole, "Cham bunikguk." Kile Jehovah nyoiwech kat chalwogikyok yon kinyoji kat bik che lelwech.

NDARET:

Ki yautiet ne ki kararan en keny ndaret, ago king'al Adam ak Awa en mbaretab Eden si kobiit kong'em yamdaet ne kararan ne kitinye ge ak Jehovah. Kigas ng'etkonda Setaniat ye kin kogeer kole kichame mising' Jehovah Adam ak Awa, bik che ki bo tai, ak ye kin konai kole

kigogoji Jehovah ichek koboi ng'wonduni tugul ne kata Lusifer, masambwanindet. Kichop anyun masambwanindet en ng'etkonda oret ole bartoi y a m d a e t ne mie ak sobondo ne kitinye ge ak Jehovah, en iman ko kiyai. Setyin muguleldang'ung' ak sobeng'ung' ng'et kong'aton korom ak ko bo meet. Tere boiboiyeng'ung' yon tinye bik alak boiboiyet ak kosoptos en sobet ne mie. Nyoljin agot kiboitinikab Jehovah koribege inne tomirmirioni ya bo ng'et konda yon kagoberur chito age en boisienyin kosiir ichek. Ibu ng'et konda kabwatutik che chang' che yach kobwa muguleldang'ung' kot iwech boiboiyetab bik alak ak ibar ichek che igase ng'et kong'. Ngot komi ng'et konda kwenetab muren ak kwondanyin, imuche noton kong'em gonyuan ak sobenyuan tugul. "Korom ng'et konda kou kirerit: Tyendo ne Siire Tugul. 8:6.

MOROROCHET:

Amisie mororochet ak kotee en ng'wony orit. Noton ko karogutietab chalwoktab keyandit ak katainanetab shilling'isiek ak magornatet; noton ko kuleitab yaiyto tugul. 1 Timoteo 6:10.

Mi mororochik emetab Congo che ame toik agot kityol moet ak kobek. U noton kipkeinik anan katainanik tugul; machame kopchei tuguk ak chi age, anan kotoret kibananian. Yome kochulyo koboisie ortinwek tugul, che bo iman anan che mabo iman, koyumjige magornatetab ng'wonduni ne ta koame kipseswa ak karuotitet ak kochore chorik. En noton anyun, kimwawech Jesu kole, "Ogonorjinge magornatet en kipsengwet ole mabute chorik ak kochor; amun ole mi konorueng'ung', komiten oloton muguleldang'ung' agine." Matayo 6:19-21. Kigibar Akan ak bikab gonyin amun kigacham dhahabu ak fedha ak kalaagutikab kamonutiet ne wo. Kiip en keyandit tuguk che kigachubisieji kele mat kai kotwa chi kipkoi. Joshua 7. Kime Judas Iskarindet ne kibo alamalyetab Jesu amun kigacham rabiinik kosiir Kiptaiyat Jesu. Matayo 27:3-5.

SETANIAT:

Setaniat ko kwandab kiplembechonik tugul ak ichek che yae lembeita. Inendet ko mestowatab tyong'ichu tugul ak ko baunindetab muguleli menye tyong'ichuton. Kimwa

Jesu kole, "Obo kwandang'wong' oindet, ak oyae magutikab kwandang'wong'. Ki rumindet koboch taunet amami imanit en inendet. Ye mwae lembech, komwae agobo tuguk che tinye; amun kiplembewet inendet, ak kwanda ne bo noton." Johana 8:44.

KEJEIYAT:

Kejeiyat ko kaborutietab mistab chi, ne mi muguledanyin, ne iboru ne mie anan ne ya. Ogeer anyun, misto, ole kagonaam kotuiit ak komurit en chalwokto ak kanaisietab yaitwagik agot kome koyae boisienyin komie. Ebrani 10:22.

KONDA:

Mi olda tugul konyekab Jehovah ak kogeere tugul tugul che mi muguleldo. Mami ng'olyon ne imuche kung'ak en konyek che u mat, che bo Jehovah. En noton anyun, kogeere ak konae kabwatutik tugul che bo ung'at, ak kongen ole tokyinge muguleldo age tugul. Ngot iyae yaityo age tugul en mesundeito ne urot inne, anan en sameita ne ui, anan en chemng'esut ne loo, kogeerin Jehovah en oloton.

MALAIKAIYAT:

Kirogen malaikaiyat Ng'olyotab Jehovah. Ng'alale Jehovah ak 'kipchalwokyon age tugul ne berberege, komwajin kolenjin kosik ak kochamji loboiyetab Jehovah kojut muguleldanyin. Ng'alalun Jehovah, inye ne isomani bukuini.

CHEPTUGET:

Karogutietab Tomirmiriet ne Tilil taritiani tilil, ne mutyo ago tala; Tomirmiriet ne bo iman, ne igikiyin chalwok ak imanda ak kiruoget. En pichaini kegeere Tomirmiriet ne Tilil komiten bii en muguleldo; amun niamuche Tomirmiriet ne Tilil kotebe ole bau chalwokto.

NG'ELYEPWEK CHE MENGECHEN CHE BO MAT:

Ng'elyepwek che mengechen che bo mat ko karogutietab chamyetab Jehovah ne iyeme muguleldab kipchalwokyt. Machame Jehovah meetab kiptengekyot, koik mache kosik si kosop. Kinyo Jesu kosor kipchalwokyt. Igu boiboiyet ne wo kot en kipsengwet agobo kiptengekyot agenge ne sigu. Mache Jehovah koun muguleldo en kor-

otikab Jesu Werinyin ne kigii inegen. Kogeny, ng'elyepwe chu ko karogutietab korotikab Jesu Kristo. Mache chamyetab Jehovah kojut muguleldo ne kaitit, ne meat.

Tonone Jesu en kurgetab muguleldo, kong'etisie. Ngot iyatyi, kojutu ak kounun muguleldang'ung' ak ko tyachin.


PICHAIT NE BO OENG'

Iboru pichaini muguleldab chito ne kanaam kosik ak kojeng' Jehovah. Kanam malaikaiyat rotwetab chok, noton ko Ng'olyotab Jehovah ne sobe, ak kotinye kimnatet, ak ko ng'atip kosiir rotwetab chok ne ng'atiben komoswek twai, ak kotore agoi kobesyo muguleldo ak tomirmiriet ak rotionisiek ak mwanik che mi kowek orit; sip kонаe kererwekab met ak magutikab muguleldo. Ebranik 4:12. Ibwatyin Ng'olyotab Jehovah chi age tugul kole, "Melektab chalwok ko meet;" ak "Kagitabanji bik kobek konyil agenge, ak ye kagobata meet koik kiruoget." Ebranik 9:27. Ole bendi kipchalwoginik ak bistoik ko araraitab mat ne lale ak kibiritit.

Tinye malaikaiyat terta en eunyin age, kowet ne yamat ne bo metit ne kagome. Ateboniton kobwatyin chitab chalwokto kole, echek tugul kebegu. Begu ak konundos borwekyok che kichame mising', kibae ak kilaaksejini ngoroik ak kechamjini koyae magutik ak katainanutik. Ame borwechu kutik ago wendi tomirmirietab sobondo kotonon en taitab ng'ejeret ne bo kiruogetab Jehovah.

Inaame anyun en yoton kipchalwokiyot kogas Ng'olyotab Jehovah ne itigone ak koyatyi muguleldanyin chamyetab Jehovah. Konaam anyun Tomirmiriet ne Tilil kolu en muguleldo ne urat, si kojut lobiyyetab Jehovah ak koon mesundeito komwei. Ole mi lobiyyet, ko ne matiny komwee mesundeito kipkoi. Inaame chamyetab Jehovah ne lale koyai muguleldo ne kaitit koburgeit. Ne matiny komwee chalwokto ne kagiroke tyong'ichon ter mwee.

Ee, wee, inye, kipchalwokiyot, chamjin Jesu, ne Inendet ko lobiyyetab ng'wony, kojut muguleldang'ung' si kobiit komanda mesundeito koboto boisionikyik kou yon igeere en pichaini. Kimwa Jesu kole, "A lobiyyetab ng'wony; inendet ne isiban komawendote en mesundeito."



MUGULELDAB CHITO NE KASE KAGIKYINET AK KANAAM KOSIK.

Johana 8:12. Ooi wei, ichek che chame mesundeito kosiir lobiyyet. Ye kin kojut Jesu hekalut en Jerusalem, koon tugul che kialdoisie koalda tuga ak kejirek ak cheptugenik, ak koranda shilling'isiekab che kiwalawali shilling'i-

siek ak komwa kole gonyun ko gotab saet; ago koowal koik kebenetab rebik." Johana 2:13-17. Got ko muguledang'ng'. Kimanyo Jesu konyoiwech kat chalgogikyok kityo, kinyo kotyachech keigun che tyogotin, kemong'unen kimnatetab chalgokto ak baunatetab chalgokto. "Ngo tyajak Werit (Jesu), ko otyogotin iman." Johana 8:36.

PICHAIT NE BO SOMOK

En yu kegeere muguleldab kipchalwokyt ne kigosik en iman; ne kase ak kogeere woindo ak ng'oiyonditab chalgogikyik che chang' che kigigartate Jesu en kimurtoiyot. Arogeni muguleldab chichi en kanyaratetab ge ye keere kimurtoiyot ne ng'ang'sejin malaikaiyat, ne Ng'olyotab Jehovah. Ichootse chamyetab Jehovah, ne kitok en Jesu Kristo, muguleldab chichi yon ibwate kole kigonyo Jesu Kristo, Arueta Jehovah, koip chalgogikyik tugul ak kicham kome en kimurtoiyot ne kita mee inendet. Inyaratege muguleldab kiptengekyot ne sigu, yon nai kole kigibir Jesu en kipcharitit, kigigerjine metinyin narietab katok, kigibirji eunekyik ak kelyekyik kipchumarok ak kigigartat Inendet en kimurtoiyot agobo chalgogikyok. Yon somani ak kogase Ng'olyotab Jehovah, kogeerege en kioitab Jehovah ak konae kole tui mising' muguleldanyin ak ko bo chalgok. Tore niton muguleldanyin ak korire ngunon en orogenet ak sigunet agobo chalgogikyik ak korikyin Jehovah inendet. Chute anyun chamyet ak kalyetab Jehovah muguleldanyin ne kagiundeji chalgogik tugul en korotikab Jesu Kristo. Inaame koguitos kole negite Jehovah ichek che inyaratege en mugulelwekyuak, ak kosoru che sigu. Saburi 34:18. Inyoe che tinye orogenet en mugulelwekyuak ak korate mookyuak. Saburi 147:3. Mwae kogeny Ng'olyotab Jehovah kole, "Ageere inendet ne iming'inege ak ne sigu ak ne botani a m u n, ng'olyondenyun." Isaia 66:2.

Iluujin ngunon lobiyyetab Tomirmiriet ne Tilil ak chamyetab Jehovah muguleldo ne kagitilil. Yon keere en kayanet kimurtoiyot ak korotikab Jesu che kigitumda agobo chalgogikyok, inaame koguitos kole kagenyoji kat chalgogikyik ak konae en muguleldanyin kole kagoundeji chalgokto tugul korotikab Jesu, Weritab Jehovah. 1 Jo-



MUGULELDO NE SIGU.

hana 1:7. Age tugul ne yani Jesu koma bete ago nyoru sobondab koigeny. Soman 1 Korintoek 6:10-11. En Jesu, ketinye katyaget amun korotikyik, nyoetab kat ne bo chalwogikyok, kou magornatetab mieindanyin. Epesoek 1:7. Mi ngunon tomirmiriet ne lel muguleldanyin. Koboch ngunon komachame ng'wonduni anan tuguk che bo ng'wonduni, ago chame tugukab Jehovah, ne kanyit muguleldanyin chamyenyin. Mi bii en muguleldanyin tyong'-

ik che karogutietab chalgogikyik; nganda machame oindet kwo, ago keere let inendet, komong'u kole ta kosiche koweek kogeny. En noton anyun kagemwawech kele oribge ak osoe ak ogirinden oindet si komweenok.

PICHAIT NE BO ANG'WAN

Pichaini ko karogutietab Kristoindet ne kigosich kal-yet ne ititaat ak walet en kagoitaetab ge ne bo Kiptaiyandenyon Jesu Kristo, Yetindenyon. En noton anyun kome kochame torornat ne bo ng'wony, kobate kimurtoiyotab Kiptaiyandenyon, Jesu Kristo, ne kigigartat keisto ng'wony en inendet ak inendet en ng'wony." Galatiek 6:14. Kigoguiyo inne kole, kime Jesu en kimurtoiyot, si kobiit keigun che begunotin en komostab chalgok, ak kesopche en imanda. 1 Petero 2:24. Kigartate Kristoindet keisto en ng'wony. Kageng'atech kebendaten en Tomirmiriet si mata keyai magutikab borto. Gal. 5:12-25. Kimwawech kogeny kele, kebendaten tililindo ne ngo matinye chi, ko mamuche kogeer Jehovah. Heb. 12:14.

En muguleli mi pichaini, ogeere taloita ne kigiratyi Jesu ak mugurek ye kin kagiregune ngoroiikyik. Omuche ogeer kipcharitisiek che kigibiren Inendet inne, amun biret ne kita ibutyinech ko kiibutyi Inendet. Kigibir amun chalgoktanyon. Isaia 53:11-12. Kiwitawit Laitoriat Herod ak bikiyik. En kabataetab birenyin, kiilaakseji ngoriet ne birir, ak koyaiji narietab katok kogerjine metinyin ne kata koroisitab dhahabu. Kiindeji tegat eunyin ne bo tai ne kata kiroktab laitorinatet. Kigutung'jin, kowite kolen, "Kigatin Laitoriat Yahudik." King'utyi Inendet ak konam kirokto ak kobire metinyin. En kabataetab witisiet kiimut kwo ole kigartaten.

Mi che chang' che kiguuren Kristoik, ago soe iman en kanisa, ak kobwane koame mesetab Kiptaiyat ak kotyenjin Jehovah tyenwagik; ago en boisionikyuk, kogartate Yetindenyan kogeny. "Majute age tugul bororietab Kipsengwet ne lenjinan, 'Kiptaiyat, Kiptaiyat; ago inendet ne yae magetab Baba ne mi Kipsengwet." Matayo 7:21-23.

Omuche ogeer en pichait loletab shilling'isiek sosom, amun kiga kogorsi inendet ak korat muguleldanyin ne ya chamyetab shilling'isiek. Kiboisie askarik che kiname Jesu kemoi, taisiek, sirimwek ak tuguk alak. Kogeny, kiboisie

Kagomeji chalwok
ago sobe agobo
Jehovah en Kip-
taiyandenyon Jesu
Kristo. Rom. 6:11.

Kagigartat
koboto Kristo.
Galatiek 2:20.



KAGIGARTAT KOBOTO KRISTO.

askarik barberek kin komache kopchei ngoroikab Jesu si kosulda ng'olyotab Jehovah, ne kisip komwa maotik kole, "Kopchejige ngoroikyuk, ak kaser barberek agobo ngorienyun." Saburi 22:18.

Kitor askarindet age karastanyin ak muguleldanyin ak en yoton kotorge korotik ak beek. Johana 19:33-37. Ye kitom kote kipsoiywet, ko kituuch Petero Jesu en taitab chepto age; ago en betut age, kosik en rirek che ng'wonen.

Ho! Ing'anye Jesu en tuguk che imwae ak che iyae? Anan iywei iyai kou non? "Noton anyun, age tugul ne ng'anyan en taitab bik, ang'anye agine en taitab Baba ne mi kipsengwet." Matayo 10:32-33. Kimwa Jesu kogeny kole, "Ngot kosiban chi, ngoyesioge ak koip kimurtoiyandenyin ak kosibwan." Matayo 6:24. "Ak inendet ne maibe kimurtoiyandenyin ak kosibwan, ko manyoljinan." Matayo 10:38.

Jesu, I Ruandanenyun,
Ituchan en chamyeng'ung'!
Iunan en korotik,
Che kitumjin bik tugul.
Mami kerichek alak
Che muche kotililan."

PICHAIT NE BO MUT.

Iboru pichait ne bo mut sobet ne tililat ak ne tabanet ne bo kiptengekyot ne kagesor en mieindo ak rirenetab ge ne bo Jehovah. Kagoik hekalutab Jehovah en iman, ole menye Jehovah Kwanda ak Werit ak Tomirmiriet ne Tilil kou ye kimwa Jesu kole, "Ngochaman chi, korib ng'alekyuk: ak kocham Baba inendet, ak kebwani inendet, ak kemeny koboto inendet." Johana 14:23. Konyiti Jehovah chi en Jesu Kristo, ak koberure, ak kotorore. Luka 1:52.

Ngunon, kagoik muguleli hekalutab Jehovah ne sobe. Kageisto chalwogik tugul. Ole kimenye tyong'ichoton ter che bau masambwanindet, kwandab lembeita, kigeere komenye ngunon Tomirmiriet ne Tilil. Ne kata yautik che yachen che bo borto ko kagoik ngunon muguleldo ne mie ne mbaret ne toltol; anan ko ketitab logoek ne iye logoekab Tomirmiriet che u: Chamyet, Boiboiyet, Kalyet, Mutyonet, Muitaet, Talosyet, Mieindo, Kayanet, Kaming'inetab ge, Kamugetab ge ak logoek alak che u chon, che boiboite bik ak kobaibai Jehovah agine. Kagoik ngunon temet ne bo iman ne iye logoek en ketit ne bo iman, noton ko Kiptaiyandenyon, Jesu Kristo.

Ung'utietab iyeetab logoek ko nito: komenye inendet en Jesu Kristo ak komenye Kristo en inendet. Johana 15:1-10. Ak kogonoren muguleldanyin ng'olyotab Jehovah. Amun nyitat kabatisanetab Tomirmiriet ne Tilil, kotinye kimnatet koterter ak kogartat borto koboto magutikyik

Chamnyet
Boiboiyet
Kalyet
Mutyonet

Talosiet Mieindo
Kayanet Kaming'
inetab Ge, Ribetab
Ge. Galatiek 5:22-23.



HEKALUTAB JEHOVAH.

ak kaitainanyin. En kimnatetab Tomirmiriet ne Tilil, kowendoten Tomirmirionoton. Megosobe en sobetab tuguk che keere anan che kase, koik sobe en kayanenyin; amun kayanet, ne mi en Jesu Kristo, ko katereret ne kiterteren ng'wony. Sobe en kamang'unet ak kigimite inendet en kogenetab weegetab ge ne bo Kiptaiyandenyon, Jesu Kristo ne nyone kochogu. Sobe en chamyetab Jehovah ne tebye koigeny.

"Iberurotin che iunotin mugulelwek; amun tun keere Jehovah." Matayo 5:8. Nganda ki magoryon Laitoriat

Daudi ak kiiterter bunikyik agot kobar. Goliat ak alak, kigase inendet kole kimakyinge kit agenge ne wo en sobondanyin ne kinyoljin kotinye amun kimache kogeer Jehovah. Kirir en muguleldanyin orit kole, "Ee, Kiptaiyat, indean muguleldo ne tilil; ak ichop magutik che nyolu en orinyun." Saburi 51:10 Mamiten chi ne imuche kounjige muguleldanyin, anan kochop magutik che nyolu en orinyin. Nyoljin konyonji Jehovah en sigunet ne bo iman ak kong'any, ak k o m e t o chalwogikyik kou yon kimeto Laitoriat Daudi che chik. Nyoljin koyai kou Lakwanon Kigobetet kin kobagach torok ak koweekyige kwandanyin ak kolenji, en sigunet, "Baba, kaachalwogenjin, inye ak Jehovah." Chame inne Jehovah kotoret kipchalwokyt age tugul ne nyonjin Inendet en sigunet ne bo iman, amun Jehovah ne kiarorwech ak komwa kole, ... agonok muguleldo ne lel, ak ande oring'wong' tomirmiriet ne lel agine; ak aistoekok muguleldo ne ui, agonok ne bo panyek. Ak ande Tomirmirienyun oring'wong', ak agimitok oben-date konetisiosiekyuk, ak osip kiruogutikyuk, oyai." Ezekiel 36:25-27. Non ko arorutiet ne lel ne kiyai Jehovah ak konde ng'okset en korotikab Werinyin Jesu Kristo.

En pichainon kegeere malaikaiyat komong'u kogeny. Boisiejin malaikaisiek chon tun indie sobondab koigeny ak komuutate ichek oldab chon chame Jehovah. Saburi 34:7; 91:11; Daniel 6:22; Matayo 2:13; 18:10; Boisionik 5:19; 12:7-10.

Togu masambwanindet agine en pichainon, kotonone ye negite muguleldo, yome kole kojeng' kogeny kasarta koweekyige got ole kimenye en tai. En noton anyun, kemwawech kelenjeh keribge ak kesoe amun wendoti oindet, bunyondenyon kou ng'etundo ne boriseni, kojeng'oti ne mache k o a m. 1 Petero 5:8. Ogirinden oindet si komweenok. Jemis 4:7.

PICHAIT NE BO LO.

Iboru pichaini kereretab met ne bo chito ne mache koweek let. Kanaam kolugak konda age koboru kole kago kaititit muguleldo ak kagonaam ruondo ne bo nyalulnatetab sobetab Kristoindet. Keerote k o n d a age tugukab ng'wonduni ak kotainane tuguchoton. Kagomisak lobiyyet ne kami muguleldanyin. Megomache konyalil koboto

Kristo. Ngunon komiten kwenutab yomset age tugul amegoyesyo ng'olyon age tugul ne mwajin oindet ago taache ng'olyon age tugul ne bunu inendet ne kata kirindo oindet. Kaseiit twegunetab oindet ne kata kaseiit Jehovah. Matiny konyone tuiyosiekab kanisa ak koyome kotuch chamyetab ng'wonduni ne mi muguleldanyin, koga konaam komong' en kebebertab Jehovah; kagobet chamyet ne kichamen Jehovah en tai. Kagonaam komisak kejeiyat ne mi muguleldanyin, noton ko karogutietab misto, ak kagoik kimurtoiyot millet ne nyigis en inendet. Kagonaam kotartaren kogeer let en kayanenyin. Kagogesge yamdaet ak Jehovah ne kiting'enge en saet, kagoik ne nyalulat en muguleldo, kagogoji yomindet kasarta.

Cheng'e kasarta tomirmirietab Tausi (taritiet ne kararan inne ne losege). Losege chichi; losege agot koboru kole inendet ko Kristoindet, amun kagoutye kole kiga kesor en mieindab Jehovah kityo. Ing'etisie bogitet en muguleldab chichi, mache kasarta. Abere yome chi age kolenji iyee maiywek tutugin; anan miachen maiywek che ma kimen. Maguitos kole u yeutiet kiugin, anan agot "beer" ainet ne ming'in ne tendenjin ainet ne wo ne bo bogitet. Abere rikeyin kwondo manong'otyondeneyin ak choronok-yik maiywek, ago nyojinge kat kwondo kole mayee inendet maiywek. Ago inendet ne ndojin alak en yeiset ak koberbere inendet tomirmirietab bogitet. Kiyomen sokset ak ibetab ge Kristoindet; noton ko kaberberisiet ne yobu koretab mat. Abere kanaam kogas en boiboiyet ng'alaletab kesesnatet ak ng'alek alak che yachen; kanaam kobendat ak choronok che yachen koba oldab ureriosiekab wasang'natet.

Abere imuche chi age komwaji kole ketyen tyendab dansit ne bo Asunguk koma chalwok; ago keyen tyenwagik che bo keny ko chalwok. Mangen kole olda tugul ole kityenen tyenwagik ko oret ne chuyin chi agoi chalwok ak ya mising' kosiir dansit ne bo Asunguk. Keguu sigaretab dukosiek ko ya kogergeit ak umotetab keny, amun kuule che chang' ak kuule en betut komugul ak en kemout komugul. Kimaboisse Jesu sigaret kipkoi ak Kristoindet koma nyoljin agine kipkoi.

Mwajin Setaniat kole keureren en chalwok koma chalwok; kegesesen konyil agenge koma ya. Mwae yomin-



MUGULELDO NE KIYOME AK KOPCHEAK.

det kou ni agot ko kagosich tomirmirikab kesesnatet kasar-ta kojut muguleldo ne kiga kiun ak komeng'is kogeny.

Chichi mi pichaini, ni tore muguleldo ak rotwet, ko karogutietab bik che wite ak che kirindo Kristoinatet, ak che tore mugulelwek en ng'alekab kochoset ak chomset. Chi ne pcheyat muguleldo komaimuche komuita en kocho-siset ak sasisietab bik, ne siire ko en choronokyik. Tore

muguleldanyin ng'alekyuak; amun kago kaititit chamyenyin en Jehovah, konaam en yoton koiywei bik kosiir koiywei Jehovah. Amun ng'alek ak kabwatutikab bik, koigu en yoton otwagindetab bik ak koweekyige let.

Mong'u en yoton suriet ak neregnatet en kasartab nya-lilda ak kewelnatet ak koyome koboige kogeny en muguleldanyin. Imurite chubisiet, ak witisiet kutinyin ne kiga koboisie kolosune Jehovah ak kosoen.

Ngot komuch kosich Setaniat sabibiiywet kitigin anan kurgat kitigin ko ne matiny, kojutu ndaretab ng'etkong' kotese chutunet agoi koyet irongit ne yobu alak.

Nyumnyum kigoji kasarta chamyetab shilling'isiek kojut muguleldo, ngot koma kigasiit katigonetab Kiptaiyandenyon Jesu ne kimwa kole, "Oripsen ak osoe, si mojut yomset." Matayo 26:41. "Noton anyun ne ibwate kotonone koripge si maibut." 1 Kor. 10:12. Nyolwech kilaach karik tugul che bo Jehovah, si kimuch kiterter ng'olsetab oindet. Epesoek 6:11-18.

PICHAIT NE BO TISAP

Iboru pichaini muguleldab chito ne kagoweek let, ne kiga kigoji loboiyet, kiga kochamcham mieindab kipsengwet, kiga konyor yamdaetab Tomirmiriet ne Tilil, ago kagobut. Iboru kogeny atebetab chito ne tomo kosik, matiny keamdejin Logoiywek che Miach, ak kiborjin kyeu Logoiywechoton, yae muguleldanyin kouit, wendi tai koyae chalwokto.

Kimwa Jesu agobo chito ne weekse let kole, "Yon kagomong'une chi oindet ne muruon, kosiire oldinwek ole mami beek, kojeng'oti ole imung'en; ak ye mata konyor, komwa anyun kole, kaweege awe gonyun ole kiamong'une. Ak ye kait, konyor kobugot got ak koragat. Kowa anyun, ak komut oik tisap alak che yachen kosiir inendet; kojut anyun ak komeny oloton; ak yaitu kagesunetab chichoton kosiir ne bo tai." Luka 11:24-27. Kagoyaiak en icheget kou ole teptoi kalewenet ne bo iman, "Wekyinge seset kang'undaikyik, ak mildoenge toraet ne kagiun ng'atatek." II Petero 2:22.

Ng'ang'u sirutichon kyeu muguleldab chichi. Menye



MUGULELDO NE KAGOWEEK LET AK KAGOUUIT.

ngunon chalwokto ak kaberberisiyenin tugul ak kobauge en muguleldanyin.

Agot en togenyin kotogu kyeu yaiietab muguleldanyin. En noton anyun, konyolu komanda Tomirmiriet ne Tilil en muguleldanyin amun mamenye kibagenge Tomirmiriet ne Tilil ak chalwokto. Matinye yamdao mesundeito ak lobiyet. Mamugakse muguleldab chi koik he-

kalutab Jehovah ak koik kebenetab Setaniat kogeny. Nyoljin malaikaiyat, ne Ng'olyotab Jehovah, komanda en orogenet, kusegong' kogeere let, kobwate kole tama ngap kosik chichiep muguleli kou lakwanan kiga koik weritab luset. Kisik inendet ye kin kotebye koboto torok ak kima-che mising' kobiiyo metetek che ame torok; ago kima kochame chi kogoji kiy. Kinai kole kigoweek let ak kigolus ak kosik en muguleldanyin kole, "Kaawe anyun oldab baba, ak alenji, 'Baba, kaachalwogen en taitab Jehovah ak en taing'ung'; manyolu kota iguurenan wering'ung'." Luka 15:15-24. Amun sigunenyin ne bo iman ak arogenenyin agobo chalwogik, kinyoji kat kwandanyin ak koyng'ji moita ne nerat kotaach kogeny koik werinyin.

Ago en pichaini ko mami muguleldo ne iboru sigunet ne toreti koweekyige Jehovah, kobutyi kelyekab Jesu, kosom nyoetab kat ak katililet. Kigolal misto ne bo naenyin kot kotandus ak kome. Tinye itik che kastoen ago magase kutitab Jehovah ne saisae. Tinye konyek ago mageere keringetab ma t ne matinye ole igesunenge ne negit kobutyi oloton. Megogeere kendernatet anan ko sigunet, yae chalwogikyik en ole laba, megotinye ilil. Kagonyo Setaniat ak koboige en muguleldanyin kogeny, kou laitoriat ne teben ng'ejeretab laitornatet. Imuche kota kolosge kora kole tako chito ne mie, ne togu ko kararan en barak kou kiserit ne kigimal en tartarik che lelach, nyitat orit kowek che bo bik che kigobek, ak muruonindab chalwokto. Matayo 23:27.

Kigoreb kwandab lembeita kasartab Tomirmirietab imanit. Tinye tyondo age tugul ak chalwokto age tugul oindeniyin ak tomirmirieniyin ne muruon ne toreti inendet koboi muguleldo. Nganda mache chichi kole kotyachge komong'une ratetab kanyalilik che muruonen ko mamuche kipkoi amun kagoik otwagindenyan. Kagoguiyo ngonon imanit, non kimwa Jehovah en Kiyogindet, Petero kole, "Ngot ko kigobek ichek che kisas ng'atutietab Musa, komanyoljin kergong'iet ne wo ne siire ichek chon tyeche Weritab Jehovah ak koite korotikab Weritab Jehovah kole kit ne ma tilil ak kosas Tomirmirietab Mieindo? Ebrank 10: 29-31; II Petero 2:1-14.

Inye ne kitupche, ne isomani ng'alechu, ngot kou ni muguleldang'ung', rirjin Jehovah en kimnateng'ung' tu-

gul. Imuche Inendet ak kochame kosorun, konyoun kat ak kotilil kogeny muguleldang'ung', imong'une chalwokto tugul ye inyonji iman en muguleldab sigunet. Imuche Jehovah korat masambwanindet koboto lugosiekyik tugu. ak kowirta komanda komong'une muguleldang'ung' ngot ichamji koyai kou non. Nyon kou chichon kiame mogondosoik ne kinyonji Jesu ak kole, "Ngicham, imuche itililan." Komwaji Jesu kole, "Kaacham; tililitu." Mariko 1:40-43. Ago ngot ichamji muguleldang'ung' kouit ak kocham mesundeito kosiir loboiyet, ko metinye kamong'uno anan toreto age t u g u l amun ileweni meet ne kata sobondo ak mesundeito ne kata loboiyet.

PICHAIT NE BO SISIT.

Kigeere en yu chalgogindet ne ki ui muguleldanyin, ne kigoweek let, korikyin meet. Nyitat bortanyin ng'wanindo, ak nyitat muguleldanyin orogenosiekab meet. Kagonyo meet (Noton ko kayumetab kowek tugul che bo borto.) en kasarta ne kama kemache anan kimong'u ak konjururen inendet konyek che bo terta. Kagosiirto wasang'natetab tuguk che kororon che bo chalwokto ak ngunon konyolu ne matiny keyakta meleкто ne wo ne bo chalwokto. Kagoityi nyalildab Jehanam muguleldanyin ak tomirmirienyin en kamuiset ne wo. Nganda mache kosa kome kogasyin Jehovah saenyin. Maimuch kotoret inendet ng'alek tugul che matile kiy, che yobu kagaigaietab choronokyik che bo ng'wonduni. Maimuch magornatenyin, ne kibasyige en chamyetab shilling'isiek, kosor muguleldanyin anan kotis ng'wanindanyin anan kotesyi betusiekyik. Matiny kolen kobwat agobo Jehovah kome kogojin oindet kasarta kipkoi.

Rorejin ak kogengenien inendet kiy age tugul ne kichame en ng'wonduni, agot kiplembekonik tugul che kindojin inendet komata komuch kotoret inendet. Konaam anyun koguiyo kole, bichii mising' kogikyeche eutab Jehovah ne sobe. Kiimong'u kole sigu en taitab Jehovah en sait ne bo let en miondanyin ne bo meet. Ngunon kogeere kole kigobata betusiekab sorunet. Begu bik elfusiek che chang' amasich kasarta kojeng' Jehovah en miondanyuan ne bo meet. En noton anyun kagemwawech kele ojeng' Jehovah kota omuche onyoru. Ne kata kase ng'ol-



KAGESUNET NE MA KIWALE NE BO KIPTENGEKYOT.

yotab kagaigaiet ne bo Jehovah, kase kiptengekyondoni en meenyin, inendet ne kiyesyō mieindo ak chamyetab Jehovah en sobenyin, kase ngunon kutitab Kiruoginde-nyin ne mwae kole, “Oba en ane, okwek che ochubotin, oba mat ne bo koigeny ne kigechopchi oindet ak malaikai-siekyik.” Matayo 25:41. “Kagindeji bik kobek konyil agenge, ak ye kagobata meet koik kiruoget.” Ebranik 9:27.


PICHAIT NE BO SOGOL

Kigeere en yu pichaitab Kristoindet ne bo iman ne mutoi ak kotertere tiemutik ak yomsosiek che bo borto ak che bo oindet. Kiyome inendet en keheberwek tugul, ago muto kot koit let ne bo sobenyin. Igu inendet katerterindet ne siire en Jesu Kristo. Mainaam kityo labatet en Kristoinatet ago igesu labatet kogeere "Jesu, Kandoidet, Kawong'unindet ne bo kayanenyon." Ebranik 12:1-2.

Yome Setaniat koboto lugenyin komutmutyin muguleliep kayanindoni, kojeng'e kasarta ne chutunen ago masiche. Ing'etisie tomirmirietab losetab ge ak ne bo chamyetab shilling'isiek ak ne bo kesesnatet. Ne kata ng'okto ak cheblanget kegeere kwesta ak sigiriet, amun konyil ak konyil walege chalwokto koik kiy age ak komwaitaage kainet age. Ago nae Kristoindet ne ribege karogutiet age tugul ne bo chalwokto, matiny konyone en kainetab dinit, anan ko en oretab malaikaiyatab loboiet, amun indojin Ng'olyotab Jehovah* ak tomirmirietab imanit ne menye en orinyin en imanda tugul, ak kotoreti koguiyo ne ya ak ne mie. Koboto tyong'ik ak tomirmirikyuaq che yachen, imuche igeer chito kotyeni en tainyin kotinye kikombetab maiywek anan chubaitab wirigi anan "beer", tiemen inendet Kristoindonon wasang'natetab ng'wonduni. Ago mamagenge kiy ak tuguchu Kristoindet ne kagogojige Jehovah, ne kagomeji chalwok ak ng'wony. Ye keere atebosiechuton, kogile inendet korikyih Jehovah.

Chito ne bo'oeng' en pichaini kotore Kristoindet ak rotwet. Tore muguleldab kayanindet ng'alek che yachen, katamset, kengeniet ak kamuiset tugul che yobu bistoik ak tap-kiyege Kristoik. Toretenge ng'alekab Jesu che kimwa kole, "Oberurotin ye itewerok bik, ak ye usausok, ak ye ng'ajak agobo ane. Oboiboi, ak ogasige mising'; amun wo melektang'wong' en kipsengwet." Matayo 5:11-12.

Yome kochulyo chalwokto, ne borto ak Indetab chi, koboto Setaniat kotoiyo Kristoindet en chamyetab Jehovah. Ago imuche komwa en nyiganatet kole, "Ibestosech ng'o en chamyetab Kristo, toptobenet anan ng'wanindo, anan usisiet, anan rubet, anan churtaet, anan bichiindo, anan rotwetab chok? Ago ki katerterik kot kosiir en tu-



MUGULELDO NE ITERTERISIE.

guchu tugul en inendet ne kichamech.” Romanik 8:35-39. Amun kagolaach karik tugul che bo Jehovah, komuche kotonon en sait age tugul ne bo yomset, ak kotertere en kimnatetab Tomirmiriet ne Tilil tiemutikab borto ak yom-sosiek alak tugul. Iguitos kole kim Kristo ne mi mugulel-danyin kosiir Setaniat ak lugenyin, amun kim Inendet ne mi orinyon kosiir inendet ne mi ng’wonduni, noton ko oindet. Kigoterter Jesu oindet, chalwokto ak meet, ago

en Inendet ko kigoyaiech keigun katerterik kot kosiir ak kimuche kiterterisien ak kesich narietab lilindo.

Iluu ak koborunotge kejeiyatab mistanyin ne bo naet. Nyitat muguleldanyin kayanet ak Tomirmiriet ne Tilil. Ibwatyin malaikaiyatab Jehovah ne mi baragunyin arorutik che miachen mising' che kigojin chon itertere ak che muto kot koit kagesunetab bandanyuan en ng'wony. Ng'ang'utiet 2:7, 11, 17, 26; 3:5, 12, 21.

Iboru loletab shilling'siek ne yatat kole, ma muguleldanyin inegen ne kigogoji Jehovah ago boto shilling'siek-yik ak tugukyik tugul che tinye ko kagogoji Jehovah. Ne kata boisien magornatenyin en oret ne ya; kotoreten kibananok, ak kogoito kebebtab taman en tuguk tugul en oret ne igojin Jehovah lilindo kou tuga che igojin chego chito ne bo. Iboru makatiandanon ak njiriondonon kole, sobe inendet en sobet ne tilil ak ne yame. Mayee maiywek alak tugul, ama muritege en ametab korotik anan panyek che kigete. Mayee anan kwam tumotoisiek anan koguul sigaret, amun ibwate kole nyolu korib bortanyin kotililit kou gotab Jehovah. Kagoik muguleldanyin gotab saet; en kochulyo komajilile kwo tuiyosiek alak tugul che bo kanisa. Matere kiy inendet. Chame saet ngo miten en kanisa anan ngo miten en gonyin. En kayanenyin, koyumi lagokyik kochulyo en saet, amun ngen kole ngot komasa Kristoindet komamuche kosop kou yon mamuche kosop njiryot en ole mami beek.

Iboru kitabunon yatat, 'Bible', noton ko Ng'olyotab Jehovah ne somani kipkoi ak kogine ng'olyot age tugul kot koguiyo komie. 'Bible' ko taitab kelyekyik ago rotweynyin bo chok ne iterteren oindet. Kogeny 'Bible' ko amitwagikyik che bo muguleldo che baen muguleldanyin betut age tugul, ago beek che misen meeldanyin. Konyil ak konyil komwetenge Ng'olyotab Jehovah ak kogeerege kou kioitab muguleldanyin.

Chame koip kimurtoiyot amun ibwatyin kole kigigartat inendet koboto Kristo ak kigong'et koboto Kristo en sobondo ne lel. En noton anyun cheng'e tuguk che miten barak, tuguk che bo koigeny, chon che matogu ngonon. Chobot kogeerge ak Jehovah. U inendet ketit ne kigiminji konda metutab beek, ne iye logoekyik en betusiekyyik tu-

gul, u temetab msabibu ne bo iman ne iye logoekyik che chang'. Nyitat muguleldanyin chamyet ne ititaat ne bo Jehovah. En noton anyun kome koiywei meet. Saburi 1:1-3; Johana 15:1-14; 1 Johana 4:18-21.

PICHAIT NE BO TAMAN

Kimwa Jesu kole, "A ng'etiet ak sobondo: inendet ne yanan, agot ngo kagome, kota kosobe: ak chi age tugul ne sobe ak koyanan komamee." Johana 11:25-26. Inendet ne kase ng'olyondenyun, ak koyani inendet ne kiyokwan, kotinye sobondab koigeny, amawendi ole mi kiruoget, ago kagomong' en meet komong'ji sobondo." Johana 5:24. Megomuiise meet anan konyalil Kristoindet amun "Kagelugui meet en katereret. Mi ano ng'wanindang'ung', inye meet? Mi ano katerereng'ung', inye kirerit? Kigojini Jehovah kongoi, amun kigonech kiterter en Kiptaiyandenyon Jesu Kristo." 1 Kor. 15:54-57.

Maiywei meet chito ne kigosop en Jehovah. Ye kesge bandanyin en ng'wony kowendi en boiboiyet gonyin ne bo koigeny. Kimwa kiyogindet Paulo kole, Atinye maget awa ak ketebi ak Kristo; mie ni kosiir." Pilipik 1:23.

Itainane Kristoindet kogeer togetab Jesu Kristo ne kimeji inendet en kimurtoiyot, ak kotyach inendet en korotikyik. Ibwatyin Tomirmiriet ne Tilil logoiywek che kimwa Jesu kole, "Amoorogense en mugulelwekwok; oyani Jehovah, oyanan agane. Mi gorik che chang' che yeechen oldab Baba; ----- Anyone kogeny, amutok; si ole ami omiten ak okwek." Johana 14:1-4. "Mageer konda, ak magas itit, ak tom kojut muguleldab chi tuguk che kiyaiji Jehovah ichek che chame inendet." 1 Kor. 2:9. Mami kutit en ng'wony ne imuche koaror kyeu lilindab kipsengwet ne kigechopchi ich eget che iterterisie en ng'wonduni ak che yani Jesu Kristo.

En pichainiep taman, kibwatwech ole wetito gaa kayanindetab iman en Kristo. Ne kata kwandab meet kegeere malaikaiyatab Jehovah. Kanye kowekta tomirmiriet ne kigiityi imanda kwo oldab Jehovah. Kagityach Sobondo ak Tomirmiriet komanda en ratutietab borto ak kimut kwo tegetab Inendet ne kichame muguleldanyin, ne kisopchi ak komeji, ak ne kisoben en ng'wonduni. Kanye



BANDAB GAA EN LILINDO.

inendet torogetab boiboiyet en taitab Jehovah ole tun kasen ng'alekab Kiptaiyandenyin che len, "Kiiyai ne mie, otwagindani mie ak ibo iman; mong'jin boiboiyetab kiptaiyandeng'ung'." Matayo 25:21. Megotinye kipkoi Setaniat kimatet en inendet amun "Kit ne bichii ne siire en taitab Jehovah ko meetab che chik che tililen." Saburi 116:15. "Ak kiagas kutit kobunu kipsengwet komwawan kole," "Sir, iberurotin ichek che begu en Kiptaiyat koboch ngunon: Ee, mwae Tomirmiriet kole, si komuny kogaba-

gakta boisionikyuak; amun isibi ichek boisionikyuak.”
Ng’ang’utiet 14:13.

Inye ne kitupche ne isomani kitabuni, ngotoretin Jehovah igoji Jesu muguleldang’ung’ amun mwae kole, “Werinyun, Cheptanyun, konan muguleldang’ung’.” Konin Inendet muguleldo ne tilil ak konde oring’ung’ tomirmiriet ne mie. Matin kogenin muguleldang’ung’ isibote magutikyik che bo yaityo amun “Berber ne imang’u muguleldanyin; ago kisoru ne wendoten ng’omnatet.” Kalewenaik 28:26 Mong’unen chalgogikguk ak inam imanda ak irib, “Amun meet melektab chalgok; ago sobondab koigeny konunetab chamyet ne bo Jehovah en Kristo Jesu.” Rom. 6:23.

Ak inye ne kiigoji Jehovah sobondang’ung’, nam kabartaetab ng’alek che miach, en kayanet ak chamyet ne mi en Kristo Jesu, amun ingen Inendet ne kiiyan, ak ingen komie ile imuche korip ne kiigoji agoi betunoton. Lumdenge en kayanet ne tilil mising’, sa en Tomirmiriet ne Tilil, ribge itebi en chamyetab Jehovah, igeere Jesu ne Kanaamindet ak Kawong’unindetab kayanenyon, “Laitoriatab Laitorinik” ne nyone kochogu.

“Ngobunji inendet ne imuche koribok si makinajak, ak kondeak taitab lilindanyin en boiboiyet ne wo ne siire komotinye berat, Jehovah ne inegen, ne Yetindenyon, ne nyin lilindo, yetunatet, baunatet, ak kimnatet, ngunon ak en koigeny. Amen.” Juda 24-25.

“Mi emet ne kararan inne,
Ak kimuch kegeer en kayanet,
Amun kikwa Jesu kochopwech
Koronoton barak kipsengwet.

Chorus

Kegeerge kot agai,
Kegeerge en barak kipsengwet.
Kegeerge kot agai,
Kegeerge en barak kipsengwet.

Ye kiitite olin barak,
Kityeni ak che yetunotin.
Makigase nyalilda kogeny
Ye kiit ole mi kamung’et.”

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de litterature evangelique finacee de dons

Missao de literatura Evangelica financiada por donativos

(Reg. No. 1961/001798/08)